

SIAPA ORANG-ORANG MUKMIN YANG SEBENAR?

Banyak orang kita menyangka bahawa seseorang itu apakah telah percayakan Allah dan sifat-sifatnya sebagaimana yang diajar dalam kitab sifat dua puluh itu maka mukminlah ia. Pengertian iman yang sedemikian rupa adalah kurang tepat dan kontot kerana makna dan hakikat iman itu ialah perkara yang lekat di hati dan dibuktikan dengan amal perbuatan. Inilah takrif iman yang didirikan oleh ulama al-Usul dan itulah hakikatnya yang telah ditunjukkan dengan amal perbuatan oleh junjungan kita Muhammad dan sahabat-sahabatnya. Iman yang sebenarnya bukan sekadar dengan lidah sahaja, atau dengan hati sahaja atau dengan akal sahaja, malahan ialah dengan itu semua dan disertakan dengan amal perbuatan bagi membuktikan iman lidah, hati dan akal itu.

(Oleh Jafar al-Bār)

Lihatlah dan perhatikanlah takrif mukmin yang terkandung di dalam firman Allah ini : “*innamā al-mūminūn al-dhīn amanū ba Allāh wa rasūlā thummā lām yartābū wajāhadū biamwālāhūm wā anfusāhūm fī sal allāh ūla 'ik hum al-ṣādiqūn*” Ertinya “Hiasnya orang-orang mukmin itu ialah mereka yang percayakan Allah dan rasul-Nya, dengan tidak menaruh syak wasangka (ragu-ragu – P), dan mereka yang berjihad (berkorban) dengan harta benda mereka dan nyawa mereka pada jalan Allah (kerana Allah – P) mereka itulah orang-orang mukmin yang sebenarnya. “

Di dalam ayat yang mulia ini Tuhan telah mensifatkan hamba-hambanya yang mukmin dengan tiga sifat, yang dengannya mereka telah berjaya di dunia dan di akhirat, hingga mereka layak mendapat gelaran “*al-ṣādiqūn*” yakni yang benar dalam tutur kata. Atau lebih jelas lagi yakni “*al-ṣādiqūn*” itu ialah telah dibersihkan daripada sifat tipu, palsu dan khianat.

Adapun tiga sifat yang disebutkan itu ialah (1) orang-orang itu telah beriman kepada Allah dan rasul-Nya, (2) bahawa iman mereka itu bersih yakni tulen dan jati serta tidak bercampur syak wasangka da ragu-ragu, dan (3) berjihad dengan harta benda dan nyawa pada jalan Allah (kerana Allah). Dengan ini nyatalah bahawa iman itu bukan hanya sekadar percayakan Allah dan rasul-Nya sahaja, malahan ialah mesti iman itu tulen dan disertai pula dengan pengorbanan diri dan

harga benda. Menurut ayat ini adalah orang-orang yang tidak lengkap padanya tiga sifat iman itu, tiadalah terjumlah dalam golongan orang yang benar imannya.

Makna iman kepada Allah ialah percayakan keesaan-Nya, kudrat kuasanya, dan iradat-Nya yang tidak boleh dihalang-halang. Serta berpuas hati dengan hikmah dan keadilannya. Makna iman kepada rasul-Nya ialah menurut perintah-perintah-Nya dan menjauhi larangan-larangan-Nya, sebagaimana yang dikehendaki oleh firman Tuhan ini: “*wamā atākum al-Rasul fakhazuh wamā nāhākum anh fāntahū*” Ertinya “Dan apa yang dibawa oleh rasul, hendaklah kamu ambil dan terima, dan apa yang ditegah-Nya hendaklah kamu jauhi dan berhentikan.”

Apakala iman kepada Allah dan rasul-Nya yang demikian itu telah lekat di hati dan cahaya-Nya memancar menerangi yang di sekeliling orang mukmin itu, maka bererti telah kuatlah imannya dan benar kepercayaannya serta teguh kukuh keyakinannya. Pada ketika itu dapatlah batin dan jiwa orang mukmin itu tenteram dan tenang dan tidak boleh lagi dirasuk oleh syak wasangka dan ragu-ragu.

Tidak syak lagi bahawa orang mukmin itu tidak akan bimbang dan khawatir, kerana apakah yang hendak dikhuatirkannya lagi pada hal ia telah percaya dan yakin akan kudrat Tuhaninya dan keadilannya. Dari manakah ia datang khawatir dan bimbang kepada orang mukmin itu, pada hal ia tahu sebenar-benarnya bahawa segala yang berlaku dan yang akan

berlaku itu semuanya dengan takdir Tuhan Yang Maha Tinggi hikmahnya dan yang tidak melakukan atau menjadikan sesuatu melainkan ada terkandung di dalamnya rahmat bagi semesta alam ini.

Orang-orang yang syak dan takutkan takdir Illahi adalah mereka itu syak dan tidak percayakan keadilan Tuhan. Orang-orang yang bersungat daripada berlakunya sesuatu kejadian yang baik pada pandangan mata kasar adalah sebenarnya, mereka itu jahilkan hikmah Tuhan yang mentadbir alam ini. Orang mukmin yang sebenar-benarnya beriman tidak akan gentar menghadap sebarang perkara yang ditakdirkan Tuhan dan tidak akan bersungat apakala sesuatu kejadian yang tidak digemari itu berlaku, bahkan dia akan menerima takdir Illahi dengan sabar dan syukur, kerana ia cukup percaya bahawa Tuhan dalam takdir dan tadbir-Nya, tidak lain kehendak dan maksudnya melainkan kerana menegakkan keadilan atau menyebarkan kebaikan atau melimahkan nikmat kurnia-Nya atau membinasakan yang zalim atau lain-lain lagi.

Ada pun takdir Illahi yang menimpa orang-orang mukmin yang ada kalanya berupa kepayaan, kesempitan hidup, sakit, kurang harta, banyak mati dan kurang hasil tanam-tanaman adalah semuanya itu ujian dan asuhan serta didikan bagi menjadikan mereka itu layak dan sanggup memikul amanah dan tanggungan bagaimana yang dikehendaki oleh Tuhan daripada mereka, seperti firman-Nya ini : “*alif lām mīm. ahasiba al-nās an yutrakū yaqūlū amannā wahum lā yuftanūn wa laqad fatanna alladhīna min qalihim falya ’lamanna Allah alladhīna ṣadaqū walya’ lamanna al-kādhibīn*” Ertinya “Alif Lam Mim, adakah manusia (orang-orang Muslim) menyangka yang mereka itu akan dibiarkan dengan hanya berkata: Kami telah beriman dengan mereka tidak diuji, bahawa sesungguhnya kami (Tuhan) telah menguji orang-orang yang terdahulu dari mereka, maka sesungguhnya Tuhan akan mengetahui orang-orang yang benar dan orang-orang yang dusta.”

Orang-orang mukmin yang dicuba dan diuji itu serta sabar dan syukur pula mereka atas segala peristiwa yang

mereka tempuh adalah akan mendapat sebaik-baik balasan di dunia dengan kemenangan dan ketuanan dan di akhirat dengan berbagai-bagai nikmat dan syurga.

Di dalam ayat yang di atas tadi telah disebutkan bahawa salah satu daripada sifat-sifat orang yang beriman, ialah berjihad dengan harta dan diri atau nyawa, maka nyatalah orang yang mengaku beriman pada hal apakala Tuhan menyeru berkehendakan nyawanya bagi mempertahankan agamanya dan tanah airnya, ia enggan menyahut seruan dan panggilan Allah itu, dusta dan palsu pengakuan seorang yang mendakwa dirinya beriman pada hal ia menyorok hartanya dan ringgitnya, tidak mahu membelanjakannya menolong fakir miskin dan tidak mahu mengeluarkannya kerana keselamatan bangsa dan tanah airnya, orang-orang yang mengaku beriman hendaklah sedar bahawa berjihad dengan harta benda dan nyawa kerana Allah itu adalah sebesar-besarnya jihad dan balasannya ialah keredhaan Allah dan syurga, tidak lain lagi daripadanya.

Bahawa hanya orang yang kuat imannya dan bersih kepercayaannya, yang redha berjihad dengan nyawa dan hartanya, kerana orang itulah yang hatinya penuh dengan kasih kepada Allah dan rasul-Nya. Orang yang hatinya tidak kasih kepada Allah dan rasul-Nya, tidak akan berjihad dan berkorban. Orang yang demikian itu tidak akan merasa nikmat dan lazat iman kerana hatinya dipenuhi oleh kuman-kuman yang jahat.

Ada pun nikmat dan kelazatan iman itu ialah pada berkorban kerana Allah yang didorongkan oleh hati yang penuh kasih kepada Allah dan rasul-Nya, bagaimana yang dinyatakan dalam hadis ini “*thalātha min kana fī wujud ḥalāwat al-īman an yakun Allāh wa rasūluh uhibbu ilaih mimmā suwāhumā wa an yuhib al-mar’ lā yuhibbu ila Sllāh, wa an yakrah an ya’ūd ilā al-kufr kamā yakrah an yaqzafī al-nār*” Ertinya “ Tiga perkara, yang kalau ada pada seorang nescaya dapatlah ia merasa lazat iman, iaitu kasihnya kepada Allah dan rasul-Nya lebih daripada kasihnya kepada yang lain, dan kasihnya kepada

(sambungan pada muka 34)

negara. Jika faham yang demikian itu berjalan tidaklah syak dan waham kalau-kalau umat tidak akan berdiri di belakang penganjur-penganjurnya; carilah penyelesaian yang tidak merugikan umat Islam kerana umat Islam itu ialah golongan yang terbesar di dalam republik Indonesia.

Akhirnya Tuan Muhammad Isa Anshari menyeru supaya bersama-sama menjaga diri kemudian hari kelak sebagaimana yang termaktub di dalam al-Quran surat al-Ahzāb ayat 67 dan 68. (Maksudnya: Mereka berkata wahai Tuhan kami, kami telah mengikut orang-orang mulia kami dan orang-orang besar kami, (pemimpin) lalu mereka menyesatkan kami daripada jalan engkau. Wahai Tuhan kami turunkanlah seksa kepada mereka dua kali lipat dan kutukilah mereka dengan kutuk yang besar).

“Kutuk umat dan azab Tuhan yang dilukis di atas itu” – kata Tuan Muhammad Isa Anshari menamatkan tulisannya, hanya dapat dielakkan jika kita sebagai pemimpin berpedoman kepada firman Allah yang saya letakkan pada permulaan rencana ini.)

Sekianlah keadaan dan pergolakan atas kehendak-kehendak

(sambungan dari muka 28)

sesuatu itu dengan kerana Allah (bukan kerana maslahat diri) dan bencinya berbalik kepada kafir bagaimana bencinya (tak sukanya) ia dihumbangkan ke api neraka. “

Berjihad dengan nyawa dan harta benda dalam ayat yang disebutkan itu bukannya hanya memerangi musuh yang menceroboh, tetapi melawan nasfu jahat, menjauhkan diri daripada perbuatan cemar, sanggup menanggung kepayahan dalam menuaikan ibadat, dan bersedekah, semuanya itu adalah jihad belaka. Pendek kata adalah jihad itu meliputi segala amal yang menaikkan mutu agama, yang menggilap batin dan yang membawa kebahagiaan tanah air serta yang mengukuhkan persaudaraan

menjadikan negara Indonesia itu sebagai sebuah negara Islam tidak akan kunjung padam walaupun presidennya sendiri yang kerapkali menggunakan kalimah Allah di dalam ucapan-ucapannya bagi menarik orang Islam di Indonesia itu akan membawa persatuan yang tidak akan dapat dipecah belahkan. Benar sungguh sebagaimana kata kiai Haji Bagus Hadikusumi “orang kuat” Muhammadiyah bahawa “kita mempunyai penganjur bernama Islam tetapi kita belum mempunyai seorang penganjur Islam untuk negara Islam di Indonesia dan sebab itulah saya pada suatu masa telah meminta al-Marhum Jeneral Sudirman menjadi Kamal “Ataturk” Indonesia tetapi ia tak dapat menyanggupnya dan sebab itulah kita belum dapat mendirikan negara Islam di Indonesia kerana belum mempunyai penganjur yang dapat menyatukan umat sedang penganjur yang ada bukan berjiwa Islam.

Telah siap

Pesan sekarang

SAIDINA HUSSIN DI KARBALA

(dua penggal)

sepenggal \$1.20 pos 10 sen

Islam.

Orang-orang yang berjihad demikian tu adalah akan menerima tahniah daripada tuhan mereka dan tetaplah bagi mereka itu taraf dan makam yang tinggi di sisi Allah di akhirat kelak, dan tetaplah bagi mereka itu kemuliaan dan kebesaran di dunia ini. Apakah yang lebih berharga di sisi seorang itu lebih daripada ia disifatkan benar? Sifat benar inilah yang dicari oleh semua orang, tetapi oleh kerana mereka mencari sifat itu dengan tidak mengikuti jalan lurus yang telah ditunjukkan tuhan, maka sesetelah mereka, merayu ke sana ke mari dengan tidak tentu hala. Mudah-mudahan manusia akan rujuk kepada iman kepada Allah dan rasul-Nya Muhammad, nescaya selamatlah dunia ini adanya.